



BOSNIA AND HERZEGOVINA
MINISTRY OF COMMUNICATIONS AND TRANSPORT



Broj: UP1:01-50-2-4748-1/23
Sarajevo, 13.10.2023. godine

Na osnovu člana 14. stav (2) Zakona o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06, 102/09, 62/11, 100/13 i 61/23), a u vezi sa članom 193. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu Centra za društvena istraživanja Internacionalnog Burč univerziteta za slobodu pristupa informacijama od 6. 10. 2023. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

RJEŠENJE
o slobodi pristupa informacijama

Centru za društvena istraživanja Internacionalnog Burč univerziteta odobrava se pristup informacijama po zahtjevu od 6. 10. 2023. godine.

Obrazloženje

Centar za društvena istraživanja Internacionalnog Burč univerziteta obratio se 6. 10. 2023. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 28/02, 45/06, 102/09, 62/11 i 100/13, u daljnjem tekstu: Zakon).

U zahtjevu je navedeno da se traži pristup informacijama, odnosno *informacije o broju podnesenih zahtjeva za pristup informacijama u periodu od 1996. do 2023. godine te karakteristikama zahtjeva i odgovora kako slijedi: karakteristike zahtjeva: predmet informacijama traženih zahtjevom za pristup informacijama te broju protokola; datum prijema zahtjeva za pristup informacijama; tip informacija, odnosno arhivske građe tražene zahtjevom za pristup informacijama; te traženi način pristupa informacijama; Karakteristike podnosioca: status lica; rod lica, ako je fizičko lice; prebivalište, odnosno sjedište lica; te djelatnost(i) lica, ako je pravno lice; Karakteristike odogovora: vrsta odgovora; odobren način pristupa traženim informacijama; datum slanja odgovora; te popratni, odnosno dodatni zahtjevi.*

U skladu sa članom 11. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 14. stav (1) Zakona i Vodiča o slobodi pristupa informacijama broj: 01-04-50-2-3460/12 od 28. 5. 2012. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

U konkretnom postupku informira se podnositelj zahtjeva da je Osnovni tekst Zakona o slobodi pristupa informacijama u Bosni i Hercegovini objavljen u „Službenom glasniku BiH”, broj 28/00 od 17. 11. 2000. godine. Kako je članom 10. Zakona o ministarstvima i drugim organima uprave Bosne i Hercegovine propisano da je Ministarstvo komunikacija i prometa, između ostalog, nadležno za međunarodni i međuentitetski promet, većina zahtjeva za pristup informacijama se odnosi na linije ili dozvole koje izdaje Ministarstvo.

Kada je u pitanju prijem zahtjeva za pristup informacijama, oni se zaprimaju kontinuirano, i to u prosjeku cca 50 godišnje. Predmetni zahtjevi se tiču preispitivanja odnosno različitih predstavi koje se odnose na postupanje pravnih i fizičkih lica ili nadležnih organa u vezi sa međunarodnim prijevozom koji je u nadležnosti Ministarstva. Također, većina tih informacija dostupna je na portalu prometnedozvole.gov.ba koji je namijenjen prijevoznicima, vozačima, kontrolnim organima te svim drugim subjektima koji traže pouzdane i tačne informacije za oblast međunarodnog i međuentitetskog cestovnog prijevoza putnika i tereta. Stoga se podnositelji zahtjeva u dosta slučajeva upućuju na navedeni portal.

Što se tiče roda i lica podnositelja zahtjeva, to su fizička i pravna lica, što je i propisano članom 7. Zakona. S obzirom na to da je Ministarstvo na državnom nivou, obraćaju mu se pravna i fizička lica sa teritorije cijele Bosne i Hercegovine. Također, članom 22. stav (b) Zakona propisano je davanje informacija korisniku koji je podnio zahtjev na jedan od sljedećih načina: 1) neposredno davanje informacije, 2) davanje informacije pisanim putem, 3) omogućavanje uvida u dokumente i izradu kopije dokumenta koji sadrži traženu informaciju, 4) dostavljanje kopije dokumenta koji sadrži traženu informaciju, 5) drugi način koji je prikladan za ostvarivanje prava na pristup informaciji, uz poštivanje odredbi Zakona o zaštiti ličnih podataka. Članom 25. Zakona su propisani rokovi koje su Ministarstvo i službenik za informiranje u obavezi poštivati.

U skladu sa navedenim, odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić

Dostavljeno:

- International Burch University, Francuske revolucije bb, 71000 Sarajevo;
- spis predmeta;
- a/a.